



Privremena zajednička komisija oba doma Parlamentarne skupštine Bosne i Hercegovine za provođenje procedure imenovanja jednog predstavnika akademske zajednice u Komisiju za izbor i praćenje rada Agencije za prevenciju korupcije i koordinaciju borbe protiv korupcije

Број/Број:01,02-50-14-1049-1/11
Сарајево/Sarajevo 18.10.2011.

Na osnovu člana 8. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine („Službeni glasnik BiH“, broj 37/03) i člana 9. Poslovnika o radu Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje jednog predstavnika akademske zajednice u Komisiju za izbor i praćenje rada Agencije za prevenciju korupcije i koordinaciju borbe protiv korupcije, Privremena zajednička komisija objavljuje

**JAVNI KONKURS
ZA IMENOVANJE JEDNOG PREDSTAVNIKA AKADEMSKE ZAJEDNICE U
KOMISIJU ZA IZBOR I PRAĆENJE RADA AGENCIJE ZA PREVENCIJU
KORUPCIJE I KOORDINACIJU BORBE PROTIV KORUPCIJE**

I.

U Komisiji za izbor i praćenje rada Agencije za prevenciju korupcije i koordinaciju borbe protiv korupcije, u skladu s članom 17. stav (1) Zakona o Agenciji za prevenciju korupcije i koordinaciju borbe protiv korupcije („Službeni glasnik BiH“ broj 103/09), upražnjeno je jedno mjesto predstavnika akademske zajednice.

Izabrani zvaničnici, nosioci izvršnih dužnosti, savjetnici ili drugi zvaničnici s javnim ovlaštenjima, koji imaju privatni interes, koji utiču ili mogu uticati na zakonitost, transparentnost, objektivnost i nepristrasnost u obavljanju javnih dužnosti, odnosno u kojima privatni interes šteti ili može štetiti javnom interesu su u sukobu interesa (član 3. Zakona o Agenciji za prevenciju korupcije i koordinaciju borbe protiv korupcije).

Kandidat predstavnik akademske zajednice mora, u skladu sa Zakonom o ministarskim imenovanjima, imenovanjima Vijeća ministara i drugim imenovanjima Bosne i Hercegovine, te u skladu s odredbama Poslovnika Privremene zajedničke komisije, ispunjavati opće i posebne uslove.

Opći uslovi

- da je stariji od 18. godina;
- da je državljanin Bosne i Hercegovine;
- da protiv njega nije pokrenut krivični postupak za krivično djelo za koje je predviđena kazna zatvora tri i više godina;
- da mu nije izrečena zatvorska kazna za krivično djelo učinjeno s umišljajem u skladu s krivičnim zakonima u Bosni i Hercegovini;
- da nije obuhvaćen odredbom člana IX. stav 1. Ustava Bosne i Hercegovine.

Posebni uslovi

- visoka stručna sprema;
- akademsko zvanje- redovan profesor univerziteta u nastavničkom zvanju;
- najmanje 10 godina radnog iskustva u akademskom zvanju u kojem se istakao, te s visokim moralnim ugledom.

Broj izvršilaca: **jedan**

Potrebni dokumenti

- 1) radna biografija (CV);
- 2) ovjerene fotokopije rješenja o izboru u nastavničko zvanje, odnosno fakultetske diploma i lične karte izdate od CIPS-a;
- 3) uvjerenje o državljanstvu Bosne i Hercegovine, ne starije od šest mjeseci;
- 4) dokaz o traženom radnom iskustvu u struci, izdat od relevantne institucije;
- 5) dokaz da protiv njega nije pokrenut krivični postupak za krivično djelo za koje je predviđena kazna zatvora tri i više godina, izdat od nadležnog suda (ne stariji od tri mjeseca);
- 6) dokaz da mu nije izrečena zatvorska kazna za krivično djelo učinjeno s umišljajem u skladu s krivičnim zakonima u Bosni i Hercegovini, izdat od nadležnog policijskog organa (ne stariji od tri mjeseca);
- 7) ovjerena izjava da nije obuhvaćen odredbom člana IX. stav 1. Ustava Bosne i Hercegovine.

Zabrana diskriminacije: Nijedna prijava ne može biti izuzeta iz razmatranja isključivo po osnovu kandidatovog spola, rase, boje kože, jezika, vjeroispovijesti, političkog ili drugog mišljenja, nacionalnog i socijalnog porijekla, veze s nekom nacionalnom manjinom, imovinskog statusa, rođenja ili drugog statusa.

Nakon provedenog Javnog konkursa, kandidati koji budu ispunjavali uslove Javnog konkursa bit će pozvani na intervju.

Cilj intervjuja je da se utvrdi stručnost i osposobljenost kandidata za obavljanje poslova te krajnja i ukupna ocjena kandidata.

Prijavu s traženim dokumentima treba dostaviti najkasnije 15. dan od dana objavljivanja Javnog konkursa u "Službenom glasniku BiH", poštom, preporučeno, na adresu:

Privremena zajednička komisija oba doma Parlamentarne skupštine Bosne i Hercegovine za provođenje procedure imenovanja jednog predstavnika akademske zajednice u Komisiju za izbor i praćenje rada Agencije za prevenciju korupcije i koordinaciju borbe protiv korupcije

**„JAVNI KONKURS
ZA IMENOVANJE JEDNOG PREDSTAVNIKA AKADEMSKE ZAJEDNICE U
KOMISIJU ZA IZBOR I PRAĆENJE RADA AGENCIJE ZA PREVENCIJU
KORUPCIJE I KOORDINACIJU BORBE PROTIV KORUPCIJE- NE OTVARATI“**

71 000 Sarajevo, Trg BiH br. 1

Neblagovremene prijave kao i neovjerene kopije neće biti razmatrane.